



Lector benevole,

**N**on dubito, fore plerosque, qui hoc genus disputationis non satis dignum, locum inter Theologiae Candidatos sibi vindicante, judicent, cum refutatos legent Aphorismos Theologicos LVDOVICI DE DIEV, præservim, cum inter eruditos jam constet, editorem Aphorismorum modo dictorum reformatum Calvino-reformatæ Ecclesiæ chorda oberrare eadem. Vid. NEVMANNI Theologia Aphoristica, pag. 315. Sed bierunt fere, qui putabant, me voluisse observationes meas refutatorias plurimæ lectionis VIRIS, nec non subactissimo judicio THEOLOGIS conscribere: quod autem tantum abest, ut illos doceam, ut contra ab illis docear perpetuo. Quicquid observavi, in gratiam proficientium, qui forte allegatum hunc legunt Auctorem, observatum esto. Quare ad propositum veniam, & in hac disputatione Theologico-polemica, præstaboid, quod promisi. Faxit Deus feliciter!

### CAP. III.

#### DE DEO.

Pag. m. 21. Aphorismus 12.

**D**istinctio voluntatis Dei in absolutam & conditionatam, antecedenter & consequenter, ab adversariis explicata, pugnat cum natura Dei, & S. Scriptura.

Est falsus & erroneus. Quia

1. Hæc distinctio non statuit Deum in decretis mutabilem, quod saltim competit in hominem, in quo omnes fiunt mutationes, Jac. I. 8. Cap. IV. 8.

2. Nequaquam suspendit Deum, & ejus voluntatem a creaturis, quarum tamen Deus est, quo nihil prius, neque majus; sed innuit gratiam ejus universalem, inclusa mediorum salutis ræsa, ad fidem integrandam faciente, Tit. II. II. Matt. XXVIII. 19. Joh. III. 16. XVI. 27

A 2

3. Quam